

AGENDA

Bydd y Cyfarfod yn dechrau am 9.05am

Eitem 1

Gohirio'r Rheolau Sefydlog

NDM1048 - Cynnig bod:

Y Cynulliad Cenedlaethol, yn unol â Rheol Sefydlog 34.4, yn penderfynu cynnal toriad yn nhrefodion y Cyfarfod Llawn ar 9 Mai 2002, yn union cyn y Ddadl Fer, er mwyn galluogi Jan Olbricht, Marsial Silesia, i annerch y Cynulliad, ac yn ailgydio yn ei waith wedi hynny.

Eitem 2

Cymeradwyo Pwyllgor Penderfyniadau Cynllunio

Ni chynhelir dadl ar y cynnig hwn. Byddwn yn awr yn pleidleisio arno.

NDM1046 - Cynnig bod y Cynulliad Cenedlaethol:

Yn penderfynu:

1. Bod pwyllgor, a gaiff ei alw'n Bwyllgor Penderfyniad Cynllunio 2002-4 yn cael ei sefydlu, yn unol â Rheol Sefydlog 35 i gyflawni swyddogaethau'r Cynulliad o dan Adran 77 a 78 o Ddeddf Cynllunio Gwlad a Thref 1990 mewn perthynas â'r materion a nodir yn yr Atodlen i'r cynnig hwn, a bod swyddogaethau'r Cynulliad yn y cyswllt hwnnw yn cael eu dirprwyo i'r Pwyllgor hwnnw;

2. Mai aelodau'r Pwyllgor hwnnw fydd:

Tom Middlehurst AC
Val Lloyd AC
Janet Davies AC
Eleanor Burnham AC

3. Y bydd y Pwyllgor yn peidio â bod pan fydd Cadeirydd y Pwyllgor yn llofnodi'r llythyr

penderfynu yn unol â Rheol Sefydlog 35.16 neu ar 24 Mai 2002, pa un bynnag sy'n dod gyntaf.

4. Os bydd y Pwyllgor yn peidio â bod heb i'r Cadeirydd lofnodi llythyr penderfynu mewn perthynas â'r materion a nodir yn yr Atodlen i'r cynnig hwn, y bydd y swyddogaethau a nodir ym mharagraff 1 uchod, mewn perthynas â'r cyfryw faterion, yn cael eu dirprwyo i Brif Weinidog Cymru.

Atodlen

- cais wedi'i alw i mewn a wnaed gan Renewable Energy Systems Ltd mewn perthynas â datblygu fferm wynt 17 tyrbin ym Mynydd Clogau, Adfa, Powys
- ceisiadau wedi'u galw i mewn a wnaed gan National Windpower Ltd am fferm wynt 42 tyrbin yng Nghwm Llwyd, Carno, Powys, ac am fan caeëdig ar gyfer is-orsaf, adeilad rheoli a gwaith cysylltiedig ger Cefn-brith, Carno, Powys
- apêl gynllunio gan Powergen Renewables Ltd mewn perthynas â bwriad i ddatblygu fferm wynt 16 tyrbin yn Nant Carfan, Llanbryn-mair, Powys
- cais wedi'i alw i mewn a wnaed gan Mr A J Nolan am annedd amaethyddol newydd yn Woodlands, Forest Lodge, Libanus, Powys

Eitem 2

Cwestiynau i Jane Hutt, y Gweinidog dros Iechyd a Gwasanaethau Cymdeithasol

Cliciwch [yma](#) i weld y cwestiynau.

Eitem 3

Cwestiynau i Jane Davidson, y Gweinidog dros Addysg a Dysgu Gydol Oes

Cliciwch [yma](#) i weld y cwestiynau.

Eitem 5

Dadl ar Gynllun Gweithredu Gofal Plant Llywodraeth Cynulliad Cymru

NDM1045 - Cynnig bod y Cynulliad Cenedlaethol:

1. Yn croesawu'r Cynllun Gweithredu Gofal Plant;
2. Yn cymeradwyo'r cyfuniad o fesurau cymdeithasol ac economaidd sydd ynddo;
3. Yn cymeradwyo penderfyniad Llywodraeth Cynulliad Cymru i roi mwy o arian i'r maes polisi hwn;
4. Yn edrych ymlaen at weld mwy o ddarpariaeth gofal plant o ansawdd o ganlyniad i'r mesurau yn y Cynllun Gweithredu.

Anfonwyd copi o'r Cynllun Gweithredu Gofal Plant at Aelodau'r Cynulliad trwy'r e-bost ar 1 Mai

2002 a gellir dod o hyd iddo ar y Rhyngrwyd trwy ddefnyddio'r cysylltiad isod:

<http://www.cymru.gov.uk/subchildren/content/childcareactionplan.pdf>

Cyflwynwyd y gwelliant canlynol:

Gwelliant 1 - Jonathan Morgan (Canol De Cymru):

Ychwanegu pwynt newydd ar ddiwedd y cynnig:

Yn cydnabod pwysigrwydd y sectorau annibynnol a'r sectorau busnes wrth ehangu gwasanaethau gofal plant o ansawdd.

Eitem 6

Dadl wedi'i henwebu gan y Blaid Geidwadol

NDM1047 - Cynnig bod Cynulliad Cenedlaethol Cymru yn cytuno i gyfarfod, o leiaf unwaith y flwyddyn, yn y Gogledd.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol:

(1)

(2)+(3)

Gwelliant 1 - Carwyn Jones (Pen-y-bont ar Ogwr):

Dileu popeth ar ôl "Cynulliad Cenedlaethol Cymru" ac ychwanegu:

1. Yn croesawu penderfyniad Llywodraeth Cynulliad Cymru i gynnal sesiwn drafod agored i'r Cabinet yng Ngogledd Cymru cyn cwblhau'r sesiwn bresennol;
2. Yn cefnogi ymdrechion Llywodraeth Cynulliad Cymru i atgyfnerthu ei bresenoldeb yng Ngogledd Cymru;
3. Yn nodi lefel uchel o bresenoldeb y cyhoedd yng nghyfarfodydd Pwyllgor Rhanbarth y Gogledd;
4. Yn gwahodd y Llywydd i ymchwilio i ymarferoldeb cynnal Cyfarfodydd Llawn mewn rhannau eraill o Gymru, gan gynnwys y Gogledd.

Gwelliant 2 - Jocelyn Davies (Dwyrain De Cymru):

Ychwanegu ar ddiwedd y cynnig:

Mae'r Cynulliad Cenedlaethol hefyd yn galw ar Banel y Cadeiryddion i gynnal adolygiad o ymarferoldeb cynnal cyfarfodydd o'r pwyllgorau pwnc yn rheolaidd mewn lleoliadau y tu allan i Gaerdydd.

Gwelliant 3 - Jocelyn Davies (Dwyrain De Cymru):

Ychwanegu ar ddiwedd y cynnig:

Mae'r Cynulliad Cenedlaethol hefyd yn galw ar y Llywodraeth i gyflymu'r broses o adleoli swyddi yn y gwasanaeth sifil i bob rhan o Gymru, ac i sicrhau bod prif ganolfannau'r Cyrff Cyhoeddus a Noddir gan y Cynulliad wedi'u lleoli y tu allan i Gaerdydd lle bo'n bosibl.

Gohiriwyd y Cyfarfod Llawn.

Bydd Marsial Silesia, Gwlad Pwyl yn annerch Aelodau yn y Siambr.

Ailymgynullodd y Cynulliad.

Eitem 7

Dadl Fer: *NDM1044* Kirsty Williams (Brycheiniog a Sir Faesyfed): Cael Gafael ar Wasanaethau Iechyd yn y Gymru Wledig.

Dylai'r cyfarfod ddod i ben erbyn 12.35pm

Cynhelir Cyfarfod Llawn nesaf y Cynulliad am

2.00pm ddydd Mawrth, 14 Mai 2002

E P Silk

Clerc y Cynulliad